

# Management



Awst 2008

**Wales Management Council works with partners within and beyond Wales to promote better management performance at all levels in the economy.**

**As part of that task we encourage managers like you to consider how they can expand their own capabilities and become better at what they do.**

**This monthly digest aims to help you, and people like you, to focus more clearly on the practical challenges you face.**

**We don't pretend to have all the answers but we hope these questions promote thinking that is helpful to you.**

**If you have views on any of the issues raised please let us know.  
gwyneth.stroud@crc-wmc.org.uk**



Cyngor Rheolaeth Cymru  
Wales Management Council



## Gadael iddyn nhw fynd?

Ar ôl i'r peldroediwr o Bortiwgal, Cristiano Ronaldo, dreulio'r haf yn protestio'i ddymuniad i adael ei gyflogwyr presennol, Manchester United, a symud i'r tîm yn Sbaen, Real Madrid, mae ei fos wedi'i ddarbwylo i aros. Er gwaethaf y misoedd o ansicrwydd, mae bellach yn honni ei fod yn barod i roi ei 'galon a'i enaid' i'w swydd y tymor nesaf.



A ddyli rheolwr geisio darbwyllo gweithwyr i aros, unwaith y bydd ei neu hi wedi rhoi rhybudd? A yw'n realistig disgwyl iddyn nhw roi'r un lefel o ymrwymiad unwaith y byddan nhw wedi dechrau mynd ar drywydd rhagolygon gyrfra eraill? Os yw'r unigolyn yn rhan allweddol o'r tîm, a yw'n werth ceisio ailgynnau ei frwdfrydedd am ei swydd gyfredol ynteu a yw'n well dioddef y gost a'r anghyfleustra o fynd ati i ddod o hyd i rywun arall mwy awyddus yn ei la?

## Presenoldeb sy'n ysbrydoli!

Dros y pedair blynedd diwethaf, mae arolwg blynyddol a gynhelir fel rhan o Wobrau Arwain Cymru wedi dangos yn gyson mai'r gallu i ysbrydoli eraill yw'r nodwedd a gysylltir amlaf ag arweinyddiaeth lwyddiannus.



Ydych chi erioed wedi ystyried beth mae'n ei olygu i ysbrydoli eraill, ac wedi meddwl p'un a ydych chi'n cael effaith o'r fath ar aelodau'ch tîm? Ydych chi'n teimlo bod ymddygiad ysbrydoledig yn rhywbeth sy'n dod yn naturiol oddi wrth gyfran o reolwyr ynteu'n rhywbeth y mae angen i rai rheolwyr neu bob rheolwr weithio arno?

Fwy ydych chi wedi'i ysbrydoli heddiw?

## Parhau'n ffyddlon dan bwysau

Mewn erthygl ddiweddar am yr hinsawdd economaidd sydd ohoni, meddar Neville Richardson, Prif Weithredwr grŵp Cymdeithas Adeiladu Britannia: "Pan ydych chi dan bwysau, mae'n hawdd gadael polisiau pobl a thorri cyllidebau marchnata a datblygu pobl er mwyn amddiffyn eich elw. Ond mewn amseroedd anodd, yn fwy nag erioed, y ffordd i ddiogelu'ch busnes yw bod yn ffyddlon i'ch gwerthoedd a chadw at eich addewidion."



Yn wyneb yr hinsawdd economaidd sydd ohoni, ydych chi'n cael eich temtio i gwtogi ar wario 'dewisol' ar bethau fel hyfforddi a datblygu staff? Weithiau, efallai'ch bod chi'n teimlo nad oes gennych chi ddewis am resymau llif arian. Ond ydych chi'n siŵr mai dyma'r unig opsiwn sydd ar gael i chi, ac ydych chi wedi ystyried effaith tymor hir lleihau gweithgareddau penodol neu gael gwared â nhw'n llwyr?

## Hunanfodddhad ynteu Busnes Da?

Cymharodd yr awdur busnes Jim Collins berfformiad busnes prif weithredwyr cwmnïau proffil uchel â'r rhai sy'n tueddu i gadw draw oddi wrth sylw, a gwelodd fod y rhai nad oedden nhw'n ceisio sylw a chanmoliaeth gyhoeddus yn cyflawni canlyniadau gwell. Ei gyngor oedd: "canolbwyntiwch ar eich rôl, nid ar eich proffil."



Ydych chi'n cytuno ag ef? Oes yna berygl y gallai delwedd gyhoeddus gref a chydabyddiaeth yn y cyfryngau arwain penaethiaid cwmnïau i dynnu eu llygaid oddi ar y bêl, ynteu a yw'n bwysig i'r busnes eu bod yn adeiladu proffil uchel yn eu cymuned neu sector? Os oes gennych chi broffil o'r fath, a yw'n seiliedig ar falchder ynteu synnwyr busnes cadarn a chredadwy?

## Annibendod creadigol

Yn eu llyfr "A Perfect Mess: The Hidden Benefits of Disorder", mae Eric Abrahamson a David Freedman yn honni bod annibendod yn y gwaith yn cynyddu gydag addysg, cyflog a phrofiad. Maen nhw'n dadlau bod awydd cynyddol sefydliadau am daclusrwydd a threfn yn aml yn mygu creadigrwydd y rhai sy'n gweithio ynddyn nhw.



Oes ganddyn nhw bwynt? Ydych chi'n credu bod cadw desg glir a ffeiliau taclus yn rhinwedd weithredol hanfodol, ynteu ydych chi'n teimlo bod peth annibendod ac anrhefn yn ddilysnod rheolwr deinamig a chreadigol?